

Lingua grega

Na Galipedia, a Wikipedia en galego.

A **lingua grega**^[1] (en grego moderno: ελληνικά, *elliniká*, ou ελληνική γλώσσα, *ellinikí glóssa*, "lingua grega") é a lingua materna de 12 millóns de falantes, dos cales 11 millóns viven en Grecia onde é lingua oficial, como en Chipre. Tamén se fala en comunidades illadas de Albania, Turquía e Italia. É lingua oficial na Unión Europea. É a lingua viva con historia documentada máis longa, con 34 séculos de fontes escritas.^[2] O seu sistema de escrita foi o alfabeto grego durante a meirande parte da súa historia; outros sistemas como o Lineal B e o silabario chipriota, foron usados anteriormente. O alfabeto xurdiu a partir do alfabeto fenicio e foi a base do latino, do cirílico, do armenio, do copto, do gótico e moitos outros sistemas de escrita.

Índice

- Historia
- Escritura e pronunciación
- Gramática
- Léxico
- Notas
- Véxase tamén
- Outros artigos

Historia

Historia da lingua grega

(ver tamén: alfabeto grego)

Protogrego (c. -2000)

Micénico (c. -1600--1100)

Grego antigo (c. -800--300)

Dialectos:

Eolio, Arcadochipriota, Ático, Dórico, Macedonio, Xónico

Lingua grega Ελληνικά

Falado en:	<u>Grecia</u> , <u>Chipre</u>
Total de falantes:	13 millóns (2012)
Posición:	74
Familia:	<u>Indoeuropea</u> <u>Helénica</u> Ática Lingua grega
Escrita:	<u>Alfabeto grego</u>

Estatuto oficial

Lingua oficial de:	 <u>Grecia</u>  <u>Chipre</u>  <u>Unión Europea</u>
Regulado por:	Academia da Lingua Grega

Códigos de lingua

<u>ISO 639-1:</u>	e1	
<u>ISO 639-2:</u>	gre (B)	e11 (T)
<u>SIL:</u>	GRK	



Koiné (desde c. -300)
Grego bizantino (c. -330–1453)
Grego moderno (desde 1453)
<i>Dialectos:</i>
Capadocio, Chipriota,
Demótico, Griko, Katharevousa,
Póntico, Tsakonio, levánico

O grego de hoxe deriva da *koiné*, herdeira directa do grego antigo, pero sufriu un gran número de transformacións fonéticas (como o iotacismo, a psilose, a desaparición das oposicións de cantidade vocálica, a espirantización das antigas aspiradas, o paso dun acento de altura a un acento de intensidade ou mesmo a caída dalgúns fonemas, como [n], en posición final), léxicas (numerosos préstamos das linguas modernas) e gramaticais (simplificación da flexión nominal, da conxugación).

De feito, a un falante de grego moderno non lle é posible comprender correctamente un texto en grego antigo, do mesmo xeito que un galego falante non é quen de traducir, sen ter estudado a lingua, un texto en galego antigo. Pódese ilustrar esta evolución cun curto extracto do Novo Testamento (Xoán I, 1) en grego moderno e en grego antigo (*koiné*, de feito). A pronunciación indícase de maneira fonolóxica e os tons do grego antigo nótanse de maneira simplificada. finalmente, escollemos transcribir o grego antigo tal como era pronunciado na época clásica e non como o era na época de redacción do texto, para marcar mellor as diferenzas:

Grego moderno	Grego antigo
1 Στην αρχή ήταν ο Λόγος, και ο Λόγος ήταν μαζί με τον Θεό, και ο Λόγος ήταν Θεός.	1 Ἐν ἀρχῇ ἦν ὁ Λόγος, καὶ ὁ Λόγος ἦν πρὸς τὸν Θεόν, καὶ Θεὸς ἦν ὁ Λόγος.
/stin ar'çi 'itan o 'loɣos ke o 'loɣos 'itan ma'zi me ton the'o ke o 'loɣos 'itan the'os/	/en arkʰɛì éèn ho lógos kaí ho lógos éèn prós tón tʰeón kaí tʰeón éèn ho lógos/
2 Αυτός ήταν στην αρχή μαζί με τον Θεό.	2 Οὗτος ἦν ἐν ἀρχῇ πρὸς τὸν Θεόν.
/aftos 'itan stin ar'çi me ton the'o/	/hóòtos éèn en arkʰɛì prós tón tʰeon/
1 Ao principio era o Verbo e o Verbo era Deus. 2 Estaba ao principio con Deus.	

A lingua actual é unha variante chamada *dhimotiki*, que substituíu en 1975 a unha lingua artificial e arcaizante, a *katharevousa*. Ademais, desde 1982, a lingua escríbese co sistema monotónico.

Escritura e pronunciación

O grego moderno escríbese cun alfabeto de vinte e catro letras, herdado do inicio do período arcaico (século VIII antes da nosa era). Cada letra correspondía ao principio a un son diferente (con ambigüidades, principalmente no caso das vogais), pero en grego moderno a pronunciación evolucionou, e varias letras ou grupos de letras se pronuncian da mesma maneira, cousa que fai que a súa ortografía sexa tan complexa como a do francés, por exemplo (oír unha palabra non é a miúdo suficiente para poder escribila: por exemplo, existen cinco grafías para o son «i», en razón do iotacismo). A táboa inferior dá a pronunciación das letras. O acento agudo (ou recto, segundo os tipos de letra) marca o acento tónico, en letra grosa na transcripción.

O grego moderno segue regras de sandhi tanto internas como externas. Por exemplo, un /n/ final adapta o seu punto de articulación á consoante inicial da palabra que segue (ante unha velar, pasa a [ŋ]; en posición final dalgunhas palabras gramaticais como την, τον, δεν, desaparece ante unha fricativa; sonoriza unha oclusiva xorda que o segue e pode impedir que unha sonora se espirantice, as asimilacións poden ser progresivas: τον πατέρα [tɔm ba'teɾa]).

Letra	Nome	Pronunciación
<u>A</u> α	άλφα (alpha)	/a/
<u>B</u> β	βήτα (vita)	/v/ do francés “voiture”
<u>Γ</u> γ	γάμμα (ghama)	ante os sons /a/, /o/ e /u/ (), /ɣ/ próxima do r francés de <i>rien</i> pero velar e non uvular; ante os sons /i/ e /ε/, iode /j/ como o i de <i>Noia</i> .
<u>Δ</u> δ	δέλτα (dhelta)	/ð/ <i>th</i> inglés de «this»
<u>Ε</u> ε	έψιλον (epsilon)	/ε/de apertura intermedia
<u>Ζ</u> ζ	ζήτα (zita)	/z/
<u>Η</u> η	ήτα (ita)	/i/
<u>Θ</u> θ	θήτα (thita)	/θ/, <i>th</i> inglés de «to think»
<u>Ι</u> ι	γιώτα (iota)	/i/
<u>Κ</u> κ	κάππα (kapa)	/k/
<u>Λ</u> λ	λάμδα (lamdha)	/l/
<u>Μ</u> μ	μυ (mi)	/m/
<u>Ν</u> ν	νυ (ni)	/n/
<u>Ξ</u> ξ	ξι (ksi)	/ks/ como o x de <i>sexo</i> (en xeral: ξέρω /'ksɛɾɔ/ «eu sei») ou /gz/ como o x de <i>exame</i> (tras <i>n</i> : δεν ξέρω = /ðɛŋg'zɛɾɔ/ podendo chegar ata /ðɛg-/ = «eu non sei»)
<u>Ο</u> ο	όμικρον (omicron)	/ɔ/
<u>Π</u> π	πι (pi)	/p/
<u>Ρ</u> ρ	ρω (ro)	/r/ (mono)vibrante (<i>italiano Roma</i> , <i>galego cara</i>)
<u>Σ</u> σ/ς	σίγμα (sighma)	/s/ alveolar (/z/ ante consoante sonora: σβέλτος, σμάλτο /sv-, sm-/ «esvelto, esmalte»)
<u>Τ</u> τ	ταυ (taf)	/t/
<u>Υ</u> υ	ύψιλον (ipsilon)	/i/, agás como segundo elemento de ditongo: ou pronúnciase /u/ como en “música”, αυ e ευ pronúncianse respectivamente /af/ e /ɛf/ ou /av/ e /ɛv/ (segundo que o son que siga sexa sonoro ou non: αυτό = /aftɔ/ = «iso», αύριο = /avriɔ/ = «mañá»)
<u>Φ</u> φ	φι (fi)	/f/
<u>Χ</u> χ	χι (chi)	/ç/: <i>ch</i> alemán de <i>ich</i> ante os sons /i/ e /ε/ (un iode /j/ non sonoro); /x/: <i>ch</i> alemán de <i>ach</i> ante os sons /a/ e /u/ (versión non sonora do /ɣ/)
<u>Ψ</u> ψ	ψι (psi)	/ps/ como en <i>psicología</i>

Ω ω	ωμέγα (omega)	/ɔ/
-----	---------------	-----

Ademais, algúns grupos de letras que forman dígrafos teñen unha pronunciación especial:

Letras	Pronunciación
αι	como ε: /ε/
γγ e γκ	/g-/ en inicial, /-ng-/ [-ŋg-] noutras posicións
ει, οι, υι	como ι, υ, η: /i/
μπ	/b-, -mb-/ como en <i>bar</i> (que en grego se escribe μπαρ...)
ντ	/d-, -nd-/ como en <i>demo</i>
ου	/u/ como en <i>cu</i>
τσ	/ts/ (africada) pero alveolar
τζ	/dʒ/ (africada) pero alveolar
λι + V	/ʎ/ como en galego <i>solla</i>

Exemplos

Palabra	Transcrición	Significado
αίμα	èma	‘sangu’ (pensar en «hematoma», «hematoloxía»)
καλοριφέρ	kalarifèr	‘radiador’ :-)
είναι	inè	‘el/ela é’ ou ‘eles/elas son’
μπαρμπάς	barbas	‘tío’
εντάξει	èndaksi	‘de acordo’

Gramática

O grego moderno é unha lingua con declinacións (como o alemán, por exemplo): a terminación das palabras cambia segundo a función da palabra na frase. Mesmo os nomes propios se declinan: por exemplo, dirase o Φίλιππος έφυγε (o *Phílippos éfiye*: «Filipe marchou»), βλέπω τον Φίλιππο (*vlépo ton Phílippo*: «Vexo a Filipe»), είναι το σπίτι του Φίλιππου (*íne to spíti tou Phílipou*: «é a casa de Filipe»).

Ademais, o grego distingue dous aspectos para cada verbo, marcados cada un por unha forma distinta: unha forma continua (calcada sobre o presente) e unha forma instantánea (calcada sobre o pasado, chamado oristo). Esta diferenza é moi viva e vólvese atopar no futuro e no subxuntivo. Un Grego non ha confundir θα τον δω (*tha ton dho*) e θα τον βλέπω (*tha ton vlépo*): os dous significan «eu vereino», pero o primeiro sobreentende «unha vez» mentres que o segundo significa «continuamente».

Léxico

O grego moderno conserva moito léxico herdado do grego antigo, pero tomou prestadas tamén moitas palabras do latín, do turco, e, máis modernamente do francés e do inglés.

Notas

1. Definicións no *Dicionario da Real Academia Galega* (<http://academia.gal/dicionario/-/termo/busca/grego>) e no *Portal das Palabras* (<http://portaldaspalabras.gal/dicionario/procura/grego>) para *grego*.
2. "Greek language". *Encyclopædia Britannica*. Consultado o 29 de abril de 2014.

Véxase tamén

Outros artigos

- [Lingua grega antiga](#)
- [Lingüística](#)
- [linguas indoeuropeas](#)



Existe unha versión da
Wikipedia en ***Lingua***
grega

Traído desde "https://gl.wikipedia.org/w/index.php?title=Lingua_grega&oldid=5512183"

A última edición desta páxina foi o 2 de xullo de 2020 ás 11:04.

Todo o texto está dispoñible baixo a licenza [Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.